

Abonnement pour un an

250 piastres

Adresse:

Idjtihad Constantinople

Téléph: St, 865

XIX^eme ANNÉE

1 Fevrie 1924 — No 162

اجتهاد

فلسفی ، اجتماعی ، ادبی ، اقتصادی مجمره

آبونمان : سنه لکی [۲۴ نسخه]

داخل ایچون ۲ ، خارج ایچون

۲ یچی ایرادر .

اداره خانه سی

جفال اوغلنده « اجتهاد نهوی »

تلفون : استانبول ۸۶۵

اون طقوزنجی سنه

نومرو ۱۶۲ - اشباط ۱۹۲۴

حریت فیکریه شهیدلری

— ۵ —

(هاینریش هاینه H. Heine) نك شو سوزی ده
(ژان ژاک روسو) نك اوزم رنده تماماً تأیید ایتش ،
عینیه واقع اولمشدر :

هرزده بیوک بر آدام فیکر لرینی سویلر سه اوراده
بر (قالور Calvaire) موجوددر . [۹]

۱۷۸۹ انقلاب کبیریه ، حر تفکر یولنده شهیدلک
- هیچ اولماز سه خونخوار و مسلط قرون وسطی طرزنده
اولان شهادت - نهایت بولدی فیکرنده بولونماق لازم
کلیردی . فقط مع التأسف ، بواونو توماز انقلاب ، دنیا
دنیا اولالی کورولمه مش بر استبداد ایله نهایت بولدی .
شدت ، حق یارینه کچدی و 1789 انقلابی بیوک
پرنسیپلرینک مدافع لری شیده و لوغ Idéologue لر نامی
آلتمده یکی بر قهر و تسلطک طعمه سی اولدیلر . بودورک
اک شایان دقت سیالرندن بری مالیه نظری نه فیکر
Necker ک مشهور و نکته دان قیزی (مادام دوستائیل)
در ، که ذکاستنک تمایلات احرارانه سی کندیسنی فرانسه نك
فرمان فرما ایمپراطورینه قارشی (یعنی ناپولیهون
بوناپارته قارشی) ائتلاف ناپذیر بر مخالفت وضعیته
قویدی . بوایمپراطور دخی شهه سز وجداناً برنجی درجه ده
بر حر اندیش ایدی وادیانک کافه سنی استخفاف ایدیوردی
فقط سیاست صنف رهبانیه و پایایه حتی منفعتی اویره
ایجاب ایتدیکی زمان مسلمان مفتی لره مماشات ایدیوردی .

[۹] (قالور) حضرت عیسی نك اشکنجه و صلب
اولوندینی تهنک آدی در .

بو کیفیت کورجه سنه بر اطاعت طلب ایتدیکی جنس نسایه
قارشی درین استحقارخی ده علاوه ایتلی در . (مادام
دوستائیل) ی کندی طرفنه جلب ایتک ایچون نتیجه سز
قالان دینه مه لرندن صوکره ، نیم رسم غزتلرده (مادام
دوستائیل) ک رومانلرینی غیر اخلاقی اوله رق کوسترتدی ؛
(پاریس) ده و نهایت الامر (فرانسه) ده اقامت ایتمه سنی
منع ایتدی بونفی موجب اولان کتابک اسمی Dix ans d'exil
یعنی (اون سنه منفای حیات) در . سوکیلی وطنه عودت
ایتک ایچون مؤلفک وقوع بولان تشبثلری بری برینی متعاقب
عقیم قالدی و مستبد قور صیفه لی نك (یعن بوناپارته ک)
قهر و تسلطی (مادام دوستائیل) ی ، چکیلش اولدینی
جنوه قانتوننده بیله بولدی . فرانسه ده یزیرلی ، کتابلری
طوبلاندی صوکره احما اولوندی . ذی قدرت قلمنی تکرار
آله آلایلیمک ایچون ایمپراطوره وایمپراطورلغه مکرراً
واقع اولان مراجعتلری تماماً ثمره سز قالدینی وقت اقامت
ایتدیکی (قوپه Coppel et) قصبه سنده زیارتنه کیدن
دوستلرینی تجزیه یه و کندیسنی (روسیا) یه فراره مجبور
ایتمیه قادر ایله ری کیدیلدی . فرانسلر (موسقووه) یه
کیردی کیری وقت (اسوچ) ه و صوکره (انکلتره) یه کیتیمک
اوزره قاپچدی . نهایت ایمپراطورک سقو طی (فرانسه) یه
(پاریس) ه عردتنه مساعد اولدی . (نبله Eelbe)
آطه سندن عودت ایدن فاتحک اوکنده بردفده داه فرار ایتیه
مجبور اولدی وایمپراطورک سقو ط نهایی کندیسنه استراحت
تمین ایتدیکی آنه قادر بو مجبوری اغتراب دوام ایتدی .

[دوام ایده جک]

عبدالمجید